

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807524347 և 1807524490 որոշումներն անփոփոխ, իսկ վարչական բողոքն առանց բավարարման թողնելու մասին

<<11>> 04 2018թ. 17-4-25679-18/12 4-5466

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Աշոտ Վաղարշյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արմավիրի մարզի Էջմիածին քաղաքի Վազգեն Առաքին փողոցի 3Ա շենքի 5 բնակարանի բնակիչ Աշոտ Վաղարշյանը դիմումով հայտնել է, որ Ճանապարհային ոստիկանության վարչական տույժ նշանակելու մասին թիվ 1807524347 և 1807524490 որոշումներով պատկերված տրանսպորտային միջոցն իրեն չի պատկանում և խնդրել անվավեր ճանաչել վարչական ակտը:

Դիմումի քննարկման արդյունքում պարզվել է, որ դիմումատուի փաստարկը վարչական ակտերը բեկանելու հիմք չի կարող հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 7.1-րդ հոդվածի 2-րդ մասի համաձայն՝ Հայաստանի Հանրապետությունում չհաշվառված տրանսպորտային միջոցներով կատարված իրավախախտումների համար պատասխանատվությունը կրում է տրանսպորտային միջոցը Հայաստանի Հանրապետություն ներմուծող կամ արտահանող (տրանսպորտային միջոցով որպես վարորդ Հայաստանի Հանրապետության սահմանը հատող) անձը:

Ճանապարհային ոստիկանության ծրագրային ապահովման և տեխնիկական սպասարկման բաժնի կողմից տրված տեղեկանքի համաձայն <<NISSAN>> մակնիշի 1393HC հաշվառման համարանիշի տրանսպորտային միջոցը ՀՀ տարածք է ներմուծել ՀՀ քաղաքացի Աշոտ Վաղարշյանը՝ ծնված 05.07.1993թ., անձնագիր AK0447693:

Այսպիսով՝ Ճանապարհային ոստիկանության վարչական տույժ նշանակելու մասին թիվ 1807524347 և 1807524490 որոշումներն իրավաչափ են, օրինական և բեկանելու հիմքեր չկան:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807524347 և 1807524490 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Աշոտ Վաղարշյանին և ՃՈ ՏՎ ՈՍՈՒՄ կենտրոն:



Ե. Կարապետյան